

宋朝大詔令集

宋朝天詔令集卷第二十六

皇子

皇子生需者

寶元二年降皇子三京畿內德音八月丙子

朕以涼薄之姿荷盈成之重贊賢光以參獻大猷上迪深長之源大承燕翼之福允字慶善以覆本支然自纂紹以來十有七載盤維思輔星日增輝果獲天心誕開邦祚乃茲秋籥之仲聿介春祺之祥元嗣肇生群倫胥慶昔周人落寢詠朱芾宜君之詩載記序官謹銅律吹和之職訂于古義滋慰余懷眷乃三都之雄並維列聖之宅適蕃茂祉當異庶邦爰曲霽於宥條宜勸均於衆服應三京畿內雖犯死罪云云於戲排休彌月留害所以兼除播澤家國試市由其更始益資首善協濟大和咨爾工師明知朕意

熙寧二年降皇子減降天下見禁德音十一月乙丑

門下天地之任至大負荷之克艱祖宗之休無疆繼承之為重眷言
菲德肇纂鴻圖日奉燕謨沆臻靖治乃冬之仲方歲既成長至維時
大終厥月候彼陽德則一氣潛萌驗諸物宜則百嘉備合聿生元子
來會昌期上以奉慈闈之歡下以係綿宇之望國本茲在予心所安
爰施渙恩用飾多喜應天下見禁罪人雜犯死罪以下第降一等徒
以下釋之云云於戲德厚者流廣善積者慶長三靈顧懷萬世允賴
推是溥澤偉茲福祥布告群倫明知朕意

元符二年降元子德音八月十一日

門下朕嗣有令緒惟懷永圖丕冒海隅民之攸暨靈承帝事天乃弗
違時惟仲秋是生元子以篤家邦之祐以係神氏之心茲錫美以用
光將詒謀而有永雖我一人之慶亦爾萬邦之休於戲燕于翼子以

永萬世之傳教厥庶民用均四海之福

元符三年降元子赦 四月十四日

門下朕獲保宗廟惟典神天荷帝博臨嘉應聿至陽月之孟祥發椒房是生元良為國嫡嗣以係天下之望以承文母之顏嘉與萬邦共茲大慶肆均惠澤用洽民心可大赦天下云云於咸主器承家莫如長子舍過者罪大賚多方皆爾群倫體予至意

立子

立皇子詔 嘉祐七年八月己卯

人道親親王者之所先務也蓋二帝之隆治繇茲出朕甚慕之右衛大將軍岳州團練使宗齊漢安懿王之子猶朕之子也少鞠于宮中而聰智仁賢見于夙成日者選于宗子近籍命以治宗正之事使者數至其第廼崇執謙退久不受命朕默然有嘉焉朕蒙先帝遺德奉

承聖業罔敢失墜夫立愛之道自親者始固可以厚天下之風而上以嚴夫宗廟也其以某為皇子故茲詔示想宜知悉

立皇子告天地宗廟諸陵文嘉祐七年八月庚子

堯親九族以致萬邦之和顧以菲德奉承聖緒永念宗室之蕃庶思所以廣恩也乃考于太宗得濮安懿王允讓之子為賢又於國為近屬今賜名曰曙既以為皇子不敢不告

親王一

拜官一

皇弟開封尹某加恩制

門下懸法授人自家刑國欲名器之無假在臨照以難私其有地冠維城望高諸夏屬郊禋之展禮司羽衛於行宮供億且繁夙夜匪懈得不順景風而行賞增并賦以疏封用遵平施之方適表至公之道

皇弟具官某幼稟義方生知忠孝暨荷興隆之運彌彰奉順之心尹
我上京惠茲疲庶每假寐而待旦必辨色以來朝事莫自專動皆稟
命成我友于之義諒茲翊戴之勤蓋宗廟之儲祥實邦家之共慶則
加地進律吾何愧焉更圖為政之方用稱陟明之曲可

皇弟興元尹光美加恩制

門下命功行賞出今無私覃雨露之恩遍加率土顧絲綸之寵寧道
至親埴茂和而大樂方調棣華榮而本枝更茂咨爾有位體予推公
皇弟具官某珪璧無瑕松筠有節奉上而恭勤勵志立身而卑謹為
先雖分授鉞之權不捨橫經之業慕為善之最樂知事君之盡忠予
嘉乃誠宜膺異渥增井賦而示寵換名號以褒能勉思昇獎之榮用
稱親賢之念可

皇弟秦王廷美行河南尹西京留守制

太平興國七年
三月乙巳日

萬國並建宗子有藩屏之雄四方是則京國有保釐之重眷成周之
舊壤管鞏洛之名墟儻非肺腑之親詎膺管綸之寄皇弟開府儀同
三司檢校大師兼中書令行開封尹秦王廷美稟靈帝胄擢秀天枝
敦詩禮以檢身體溫文而毓德治浩穰以斯久撫疲瘵以感蘇軾較
載清桴鼓自息矧茲清洛之邑久罷黃屋之游黎庶之心不勝其僕
望居守之任實切於撫綏宜報介弟之親以鎮故都之地無忘勗勵
用副倚毗可特依前檢校大師兼中書令行河南尹西京留守秦王
加食邑一千戶

皇長子德崇第二子德明拜官封郡王制

太平興國七年十月甲午

崇樹藩屏是若駢旆之盟並建宗室聿興麟趾之詠所以成強幹固
本之義鍾錫美繁衍之祥三代以來率由茲道皇長子德崇性資孝
友質樸溫文第二子德明稟訓無違檢身有裕而皆端懿自守樂善

不渝齒胄早列於膠庠越庭粗聞於詩禮非劉之約蓋有稽章半楚
之封抑惟故事並授上台之秩式遵懋建之文分裂土田用立社稷
鑒乃前訓以保令猷德崇可特授檢校太傅同中書門下平章事上
柱國封衛王德明可特進檢校太保同中書門下平章事上柱國封
廣平郡王

皇子陳王元僖侍中開封尹制

雍熙三年十月甲辰

朕膺昊穹之眷佑宗社之慶靈建萬國而親諸侯既資藩翰履至
尊而制六合必樹盤維所以固大業於域中溟鴻猷於天下况神臯
赤縣夷夏所臻苟非親賢曷符公議皇子特進檢校太傅同中書門
下平章事陳王元僖性本溫文德惟純粹動必由禮言皆有章頃自
任峻桐圭道光麟趾忠順形于天賦孝弟成于自然服訓辭而愈恭
體謙下而為德侍祠奉時陳精意於壇墮問安寢門竭至誠于夙夜

以善為樂惟道是從酌楚醴以待賢亮昭令望入虞庠而齒胄綽者
嘉聲體仁既口於日新從政宜親於時務脩彼浩穰之地足申撫治
之方是用錫以爰田升之左相用昭茂渥以曜宗英於咸京城之地
四方之所取則尹政之任中外之所仰瞻扼獄市則姦何所容任鈞
距則俗為之薄守之以強毅濟之以寬和政乃有成事則不恃佩此
多訓庶幾有成可兼侍中行開封尹

皇第五子益王元傑加恩制淳化元年正月丙戌

門下我國家承天立極方隆千載之基分土建邦式奠九州之域撫
西南之巨鎮惟梁蜀之名區膺予裂地之封資爾維城之重屬茲行
慶允洽推恩皇第五子具官某字量宏深襟靈邃遠律呂融和而有
度珪璋溫潤而無瑕惟孝惟忠稟自生知之性聞詩聞禮出于神授
之才位逾貴而益恭名愈尊而無傲藹然木邱綽有令猷而自被王

爵之服章殿坤維之土宇撫御遠伸於大略澄清頗被于英風言念
敷庸有光茅社方霑涵濡之澤宜伸旌異之恩益以戶封進其真食
願茲寵渥無怯便蕃於戲告明命于公朝我無虛授享非常之天秩
爾在欽承勉荷龍靈勿忘箴戒可

皇子越王元份加恩制淳化元年正月丙戌

門下朕自度膺命麻嗣守基坰規稼穡之有年愈懷恭畏體乾坤之
不宰思去尊稱而將相家蔡繼黃黎老伏閣屢備於丹懇拜章列上
於鴻名是用御正殿以當陽屬孟春之初吉改紀年之號將庶物以
惟新降出綍之言與萬邦而同慶况彼親賢之列宜卓殊異之榮具
官某天賦貞淳口口惇友風蘊間平之德早開魯衛之風蔚為朱邱之表儀
宛作皇家之符瑞服勤絃誦見尊師重傅之規稟訓詩書得首父事
君之要爰自光膺綸綍遙制既闕體茲宵旰之憂遐布鎮臨之術盤離

之望益焜耀於紫庭襍袴之謠自宣騰于丹激既著于藩之績爰加
進律之文真食邑封率由加等於戲好譙樂善爾既茂於嘉猷行慶
推恩朕豈藉於異數勉修懿範以輔丕圖可

皇子襄王某開封尹制淳化五年九月壬辰

朕恭臨大寶眇覩前王何嘗不外陰藩屏之勲內樹磐維之固所以
建宗社無疆之祉成邦家不拔之基乃眷神臯素推難治寓縣之舟
車畢會都人之版籍斯繁若匪親賢曷膺寵寄詢於有位允協至公
當吉日之在剛舉徽章之惟允皇第三子荆南湖南節度特進檢校
太保兼侍中行江陵尹襄王某分輝黃道稟訓明庭克敦信厚之風
綽有溫文之德而自加冠漢殿齒宵虞庠每出言而有章慕為善之
最樂忠厚謙恭之道所謂生知詩書禮樂之文不因師授向者舉展
親之典崇立愛之規錫以苴茅封之裏污而能推心待下開館禮賢

漢上之人望風而化既予心之自慰在朝論以推公朕嘗因燕居誨以時政而皆洞明理體深識化源委以浩穰必能綏撫是用益爰田之多戶加論道之崇資榮䟽邸第之封仍正戶京之任爾其肅清箠殺惠化里閭勿以至察為聰明勿以太寬為高簡惟紀綱之是正在鈎距以何施勉副眷懷更思盡瘁於戲有家有國汝宜保於今名知予知臣我無慙於前哲往承休命勿墜訓辭可檢校太傅行開封尹兼功德橋道使

皇子元祐光祿大夫檢校太保左衛上將軍兼御史大夫上柱國信國公制咸平五年十一月己丑

國家崇大報之禮修建之文所以遵立愛之規成固本之義也皇子某體資岐疑性成溫文木齒膠庠已習在三之訓越在誓中迥有成人之風出於自然非假外獎况克勝衣而趨拜所宜裂壤以䟽封

特舉徽章用符僉賜可

皇子某拜官制大中祥符七年三月丁未

朕受皇天之眷命承列聖之丕圖寅奉窈符肇開光緒九宇祗定大典並修乃稽靈心以建元子皇子某上穹降祉五緯儲祥粹精彰象日之姿重懿表自天之質既對長安之間遂辨南陽之詞加以為善之規匪由於教導問安之禮特發於誠明方慶服已成德器是用載遵令典爰擇嘉辰錫以珪璋乃昇環衛之列分其寶玉乃啟茅社之封秩視帝傳之崇權兼憲府之重並加徽數式示褒揚噫我本枝鍾茲鴻慶誕告之命既表於國祥無疆之休蓋承乎天序佩服英訓汝其欽哉可金紫光祿大夫檢校太傅左衛上將軍上柱國慶國公食邑一千戶食寶封三百戶月給俸二百千

皇兄楚王元佐天策上將軍興元牧賜劍履上殿詔書不名

制大中祥符八年二月丙寅

朕順考古經通追先訓顧名器之為重匪親賢而曷廣矧夫望著宗
英地崇天屬建侯斯久夾輔惟勤峻以徽章抑惟國典皇兄開府儀
同三司守太師尚書令兼中書令左衛上將軍上柱國楚國王元佐
炳靈岳清儲祚宗祊孝悌筋身溫良成性早列藩而鎮俗退養素而
葆和肆及冲人繼承大統惇叙之志允迪於前言屏翰之功永資於
右戚眷言同氣實冠友于上懷六朝之發祥下教萬邦之立愛特加
伸等俾耀維城漢詔不名蓋惟尊德唐官殊號豈但疇庸備方冊之
令儀首邦家之懿則永字多吉用履展親可依前守太師尚書令兼
中書令天策上將軍行興元牧賜劔履上殿詔書不名依舊在宅養
疾所司擇日備禮冊命

皇弟元偃兼尚書令加恩制大中祥符八年十一月辛酉

慎重名器所以觀賢能敦叙宗親所以厚風教伊我介弟為時宗英
宜峻寵章茂昭明德安國等軍節度觀察處置等使開府儀同三司
守太尉兼中書令真定尹上柱國相王元偓恭肅純懿簡儉敦方動
不違仁言皆中禮好書樂善皆慕於前修重士尊賢載彰於今問俾
冠中臺之列式隆專席之榮仍益復田載加真賦於戲文昌政本機
務之所先宗子維城邦家之攸賴服茲茂蔭可不慎歟可依前守太
尉中書令兼尚書令加食邑一千戶食實封六百戶餘如故

皇子某忠正軍節度使封壽春郡王制狀

中祥符八年十二

古者立王國所以衛京師封諸子所以尊宗廟朕仰膺眷佑馴致治
平受真檢於大霄啟仙源於遠古盛儀交舉鴻瑞洽臻方徇群心以
建藩室皇子金紫光祿大夫檢校太傅左衛上將軍兼御史大夫上
柱國慶國公食邑一千戶食實封三百戶某上穹降祉列聖儲精凝

正氣以淵深稟五精而英秀辨惠之性言必有章趨進之容動皆合禮已成德器猶在妙齡而公相大臣援引舊典懇悃之辭遽至恭讓之意靡違願消吉時特頒明命眷壽陽之真壤控淮水之明區爰錫旌旄俾開茅社如左相上公之秩增崇階美號之名蓋示深慈式隆徽數於戲維城之制雖稽周室之彝章半楚之封用遵漢氏之謙德顧茲承衛之重聿表靈長之休欽我訓言無怠祇率可特進檢校太尉兼侍中使持節壽州諸軍事壽州刺史忠正軍節度壽州管内觀察處置等使進封壽春郡王加食邑千戶食寶封四百戶賜崇仁保運功臣勳如故有司擇日備禮冊命

皇子某進封昇王制

天禧二年二月丁卯

王者尊奉宗廟必建於列藩承衛邦家允屬於元子所以保定區宇億寧神祇用茂本枝聿隆天序朕仰膺真佑恭守丕基聿鴻瑞之珠

尤啟慶源之淵邈是用上稽靈意下順群心爰開寶王之邦式重盤
維之奇舉茲公詔誕告多方皇子崇仁保運功臣忠正軍節度壽州
管内觀察處置等使特進檢校太尉兼中書令使持節壽州諸軍事
行壽州刺史壽春郡王食邑三千戶食實封一千三百戶某敦厚慈
仁聰明睿智英姿體于雲日美德冠于珪璋識達幾微動成乎先見
學探閭奧克顯於生知茂揚為善之風特表問安之喜而中外臣庶
奏疏洽聞仰舉徽之日新顧典章而載舉旣難謙抑是用俯從六朝
典區南夏雄屏建其茅社錫以旌旄位兼帝保之崇階視台儀之重
進褒功之懿號增食米之真封爾其靖共對越成命可開府儀同三
司守太保兼中書令行江寧尹克建康軍節度管内觀察處置等使
進封昇王食邑二千戶食實封一千戶賜宣德守正功臣勳如故仍令
所司擇日備禮冊命

皇伯楚王元佐兼江陵牧加恩制乾興元年二月仁宗即位
門下國家膺積累之祥啟隆平之運混同四海億寧兆人顧惟眇冲
獲紹基構蓋遵憲几之命深懷馭朽之憂屬視政之方初俾推恩而
溥洽恭念伯父長茲戚藩宜申惇叙之懷首舉褒崇之典載涓剛日
誕告明廷皇伯天策上將軍推誠協恭保順同德崇仁宣忠亮節守
正翊戴功臣開府儀同三司守太師尚書令兼中書令行雍州牧兼
興元牧上柱國楚王食邑二萬二千五百戶食實封捌仟貳佰戶賜
緞履上殿詔書不名楚王元佐字昊儲祥本枝襲慶溫文表於天賦
孝友由其性成而自神宗嗣興先帝臨御便蕃異數冠映於清朝保
養太和優游于亨會謁有間平之舉茂昭魯衛之親惟南荆之真區
實中夏之巨屏命之兼領用壯英猷仍益爰田兼加真賦於戲承祧
之重方切於戰兢睦族之規敢忘於造次勉隆素履永佐昌期可特

授依前大策上將軍守太師尚書令兼中書令行雍州牧兼江陵牧
楚王賜銀履上殿詔書不名加食邑二十戶食實封六伯戶依舊在
宅養疾功臣散官勲如故

皇叔涇王元儼守太尉尚書令移兩鎮進封定王加恩賜贊
拜不名制乾興元年二月仁宗即位

門下周之盛也嘗賴本宗有維城之助漢之隆也亦資藩國有磐石
之親是以廟社靈長神人悅豫詩稱魯衛之德傳美間平之賢矧乃
眇躬緒茲鴻緒荷先帝之訓懼夫難任賴叔父之崇濟其不逮特優
禮命誕群司皇叔推誠保順同德守正翊戴功臣保平定國等軍
節度管內觀察處置等使開府儀同三司守太傅兼中書令行陝州
大都督使持節同州諸軍事行同州刺史上柱國涇王食邑一萬五
千五百戶食實封五千八百戶元儼辰緯鍾英河山毓秀席昌朝之

累善該前哲之令儀精禮樂于日新廣藝文于天縱夾輔聖考丕宣
大猷寶玉是分協堯廷之惇敘旌虜所建壯禹服之會朝間屆盛辰
聿脩鉅典從鸞旌之五輅展宸登封陪拒壘之一百崇禧報本懿恭
之節群品或瞻環念沖人允繫疑乾擇于剛日煥此歲章榮陟上公
峻兼專席摠師于於近輔析珪瑞于大邦仍昨爰田特疇真賦舉禮
文之異渥加贊謁之不名備極便蕃用為褒進於戲祖宗儲慶載集
於重熙兆庶懷仁式臻于嘉會緬冀尊屬克揚茂勳佑于皇家垂裕
永世特授守太尉尚書令兼中書令使持節陳州許州諸軍事行陳
州許州刺史充鎮安忠武等軍節度陳州許州管内觀察處置河隄
等使進封定王加食邑一千戶食實封六百戶賜替拜不名功臣散官
勳如故仍令所司擇自備禮冊命主者施行

皇弟元儼移兩鎮改封彭王制大中祥符八年十一月辛酉

周分寶玉以展茂親漢樹口口聿口盤石眷吾宗室素守禮經宜厚
龍章聿圖藩翰安靜軍節度劔南東州管内營田觀察處置使開府
儀同三司檢校太尉中書令上柱國端王元儼日域分暉天枝挺秀
自臨自屏茂建高牙居魯衛之崇名峻尚彤之顯秩寅恭自守夙夜
無違是用䟽表海之近邦易苴茅之重地仍加并賦以盛褰封於戲
懷德惟寧詩人之所詠為善最樂史牘之攸尊爾其欽哉往服明命
可依前檢校太尉兼中書令使持節青州密州諸軍事往行青州密
州刺史充鎮懷安化等軍節度管内觀察處置押新羅渤海兩番等
使封彭王加食邑千戶食實封肆百戶餘如故

宋朝大詔令集卷第二十七

親王二

進拜二

皇叔元儼詔書不名加食邑晉封制

朕祇守成基汜臻嘉靖適逢常古之度再奉精意之禋陟恪以對天
威肅雖而陳孝饗尊親偕極純淑來同思與中外之倫共茲優裕之
施眷言右戚首舉茂恩皇叔推誠保順同德崇仁守正翊戴功臣鎮
安忠武等軍節度陳州許州管内觀察處置河隍等使開府儀同三
司守太尉尚書令兼中書令使持節陳州許州諸軍事行陳州許州
刺史上柱國定王食邑一萬七千五百戶食實封七千戶賜贊拜不
名元儼朕哲含章溫仁稟粹序五宗而護慶臨六德以敷方粵自先
朝乃膺建國擁戎旌而作鎮遙制宗藩服公衮以在庭荐登命數逮

此躬之績極率令典以欽親替東平而勿名表淮陽之異寵善猷斯
藹淑問逾昭屬于行次之辰式獎懷寧之美特加奉邑仍益真封矧
別詔之攸預申殊禮之為重諒惟褒旨增顯優崇於戲景命顧懷祚
本支而彌衍明誠梁易介哉較以成宜允資夾輔之勳永保重雍之
業允綏厥位不其懋歟可持授依前守太尉尚書令兼中書令使持
節陳州許州諸軍事行陳州許州刺史充鎮安忠武等軍節度陳州
許州管内觀察處置河隄等使定王賜詔書不名加食邑一千戶食
實封六百戶散官勳封如故

皇叔鎮王元口賜劄腹上殿詔書不名食邑制

天聖八年十月五日

門下朕以仰延既施克底治平戴瞻七里之郊躬修三歲之祀用謝
成於有昊冀蒙福於庶邦爰布湛恩式均丕慶眷惟賢戚之重冠於
房翰之良將亦先親首圖進律皇叔具官某體咨明粹德著溫純茂

河間好古之風有衛康馴行之懿爰自駢旄利建金鉅疏榮承善睦
於先朝昇懷和於詩雅顧惟暮味搜績基圖寔繫英輔之勤共固守
成之業荐惟褒賁益峻等彝掌武上公仍總三臺之秩陪京巨鎮聯
分雙節之威再易大封聿申殊禮蓋隆敦叙之典彌懷沖約之規適
屬禋燔誕敷麗澤劔錫延登而攸重并田彌食以兼豐真賦倍增寵
章優洽於戲純嘏之賜與宗哲以並庸若器之崇表圓經之異數充
綏多祐永保令猷可

皇子昕除忠正軍節度使壽國公制康定元年七月戊寅

朕荷高穹之孚佑膺列聖之顧懷增衍長源宜生賢嗣是惟體正之
大益茂本枝之疆抑稽靈心肇啟藩室皇子昕炳符曾宙毓德火陽
岐疑表于自然溫文見于異稟金昭璧粹蓋發於天資震長離明有
關於象與向及勝衣之拜未疏盤石之疆爰考彝章誕揚徽冊是用

案予舊國寵以紹封仍循耒楚之規載徹右淮之上其茅制社授節
尊邦庸建上公尹茲南夏併申蕃數式厚蒸衷於戲在昔哲王夙圖
封立蓋歆就成器德保輔慶基若迪今猷丕顯前烈冀洽幅員之聽
永綏壽淑之宜汝其勉哉對越休命可特授特進檢校太尉使持節
壽州諸軍事行壽州刺史兼御史大夫充中正軍節度壽州管内觀
察處置等使上柱國壽國公食邑三千戶食實封一千戶仍賜體仁
替運功臣

皇長子仲銘除忠正軍節度同中書門下平章事封淮陽郡

王制

夫序骨肉所以正乎邦家建立于孫所以尊乎宗廟茲先王之令
典蓋歷代之至公惟予冲人獲續丕緒奉若前憲罔敢自私宜因吉
辰誕舉封冊皇長子安州觀察使光祿大夫檢校工部尚書使持節

安州諸軍事安州刺史兼御史大夫上護軍光國公食邑八百戶食
實封二百戶某親居上嗣秀出本校仁孝發於自然賢智根乎天性
已就外傳日朝寢門侍膳問安惟盡恭之匪懈教詩好禮矧樂善之
有聞未疏茅土之榮昌廣盤維之固眷黃圖之右輔有壁假之近藩
俾聯台鉉之崇式付節旄之重優推功號兼啟王封勲級並隆序位
加衍進實多邑視秩上公庶光出閭之初仍易命名之義於戲親之
欲普人道之常位不期驕往哲攸戒勉服前訓斯迪令猷汝其念哉
對越休命可特授檢校太傅同中書門下平章事使持節許州諸軍
事行許州刺史充忠武軍節度許州管内觀察處置等使加上柱國
進封淮陽郡王加食邑千戶食實封六百戶仍賜崇仁保運臣改名
頊

皇子頊進封穎王制 治平元年六月己亥

古先哲王享國長久歷世治安蓋封建子孫屏扞王室所以定維城之業成磐石之固稽若舊典可舉而行皇長子崇仁保運功臣忠武軍節度許州管内觀察處置等使特進檢校太傅同中書門下平章事使持節許州諸軍事行許州刺史上柱國淮陽郡王食邑一千八百戶食實封八百戶頊天性溫恭神識英秀爰自就學外傳疏爵近藩今問日新好禮彌謹矧居王嗣之地當啟真王之封朕按輿地之圖潁川為大國因景風之候惟盛夏吉時是用建爾國家昨之茅土於歲制節謹度故能守富者敷道養德莫若盡忠孝王其戒之無忝予一人之休命可特授依前檢校太傅同中書門下平章事使持節許州諸軍事行許州刺史充忠武軍節度許州管内觀察處置等使封潁王加食邑一千戶食實封四百戶仍令所司擇日備禮榮命

皇子頊特授特進檢校太傅同中書門下平章事充保寧軍

節度使加上柱國進封東陽郡王加恩賜崇仁保運功臣餘

如故制

門下夫封建親賢崇廣藩輔所以茂枝葉之庇固盤維之安吉先哲
王率由茲道皇子明州管內觀察使金紫光祿大夫檢校太子賓客
使持節明州諸軍事明州刺史兼御史大夫上輕車都尉祁國公食
邑五百戶食實封二百戶顯溫仁本乎異稟聰敏見於夙成向從外
傳之游已罷康車之拜而能動皆率禮孝必因心宜用疏封俾從出
閤按東陽之奧壤蓋澤國之名區分以苴茅付之龍節視秩帝傳之
重進列宰司之崇錫號衆功策勳加等衍實多邑併示寵章於戲位
不期驕祿不期侈恭儉惟德爾其欽哉可

皇弟願授光祿大夫依前檢校太尉同中書門下平章事充
武勝軍節度使進封樂安郡王加勳食邑實封制

文華...
四
門下朕躬大統之承憲前王之度並建宗于庸廣骨肉之恩作扞皇家思長社稷之守方曠恩之澤物宜渙檢之宣朝皇帝具官某體行端和神風華秀孝友自其天性忠謹承于世胄蚤就學於奇觚已析封於寧宇念鶴原之愛嘗見急難之情嘉麟趾之風居多信厚之履屬聲親於庶政宜徧獎於近支往踐釣衡之崇益疏茅社之肯化繇近始愛真爾隆於戲禮重周盟以薛侯而爲後義形漢約非劉氏者不王懋昭淑聲永服徽命可

皇弟穎封岐王制治平四年九月辛卯

朕祗紹基圖惕循謨烈因山功畢與厚地以永安祔廟禮成悵昊天之恩極念同生之均戚惟送往之良勅爰舉典章增陪封鎮示茲渥命昔于大廷皇弟崇仁保運協恭贊治功臣武昌武安等軍節度鄂州潭州管内觀察處置等使開府儀同三司檢校太尉同中書門下

平章事使持節都督鄂州潭州諸軍事行鄂州潭州刺史上柱國昌
王食邑二千九百戶食實封一千二百戶顯資度瀋英德猷粹穆善
謀常法宣康叔之宅心好禮盡忠有東平之雅志已昨苴茅之社用
安盤石之宗適緣感慕之懷益示褒崇之意隆名逾峻異敷寔優於
戲作誥孟侯實尊於方伯推恩介弟益重於天倫尚迪厥中以綏爾
祿可特授依前檢校太尉同中書門下平章事行兗州大都督府長
史使持節青州諸軍事行青州刺史兼鎮海等軍節度兗州青州
管内觀察等使改封岐王

皇弟顯封高密郡王制

王者正位凝命國體所以尊安篤親慎終民德所以仁厚騰橋山之
已事感清廟之初升顯予同氣之懷宜先錫命之寵皇弟武勝軍節
度鄧州管内觀察處置等使光祿大夫檢校太尉同中書門下平章

事使持節鄧州諸軍事鄧州刺史上柱國樂安郡王食邑一千七百戶食實封六百戶顯履和而至行敏而恭金聲日金玉氣不掩雅見方嚴之度夙推信厚之風宜改錫於苴茅用增榮於薜藜於戲神品之大方圖濟於艱難盤石之安願永期於夾輔尚念猷訓保茲寵靈可特授依前檢校太尉同中書門下平章事興元尹山南西道節度管内觀察處置橋道等使封高密郡王

皇弟顯兩鎮進封嘉王制熙寧四年二月壬申

門下史謂建大宗之封如安盤石之固詩美得同氣之助共敦棠棣之華朕紹五聖之休昭九族之序固已倚天屬於本根之重措公姓於翰幹之疆况於至親宜有顯冊播告郡位厥惟大公皇弟宗仁保運功臣山南西道節度管内觀察處置橋道等使特進檢校太尉同中書門下平章事興元尹上柱國高密郡王食邑二千四百戶食實

封六百戶顯燕翼發祥溫恭迪哲其姿茂而玉裕盛氣粹而揚休講
藝服儒多推道術之對好禮樂善雅有智思之父勳稽立愛之經屢
衍建侯之寵有莘上公之哀有淑元戎之旂賢儀浸明師論參穆是
用瑞筮以審絲按圖而定名表為真王奄受樂國盡岷峨之野陪以
爰田易泚渙之麾加之兩組循典常而出閭謹著定以奉朝列第環
宮彌備開元之觀側門通禁永承長樂之顏備飭愛懷布章慶譽於
戲展親以誠信我則友于天倫秉德以輔陪爾則藩於王室思長富
貴之守懋底忠孝之誠往其欽哉以對猷訓可特授依前檢校太尉
同中書門下平章事使持節廬州宿州諸州軍事行廬州宿州刺史保
信保靜等軍節度廬州宿州管内觀察處置河隄等使進封嘉王加
食邑一千戶食實封四百戶

皇弟穎加恩制

門下朕祿獻太室禋燎圓丘方照事之消成擁靈休而滋至眷言介
第敢後寵章皇第具官顯至誠淵渟盛氣玉粹渾然道德之蘊展矣
忠孝之資亦烏淑旂奄受真王之冊元圭黼冢載視上公之儀陪輔
朕躬博宗元祀因紫營之昭報奉鸞輅之親行佩鞞夙興有絜齋明
之志飽尊參薦有皮陟降之容適當歸胙之初宜峻均恩之舉特審
名數以耀龍光於戲友則因心益厚同生之愛祭維受福永蒙時萬
之祥其遠乃猷以綏而祿可

皇子俊授特進檢校太尉使持節曹州諸軍事行曹州刺史
兼御史大夫充彰信軍節度曹州管内觀察處置等使上柱
國永國公食邑三千戶食實封一千戶仍賜體仁保運功臣
制

門下朕承景曆之昌荷玉構之重誕受帝祗薦生天材立義制名既

昭於德性按圖錫壤始青於寵章颺于明廷詔爾群辟皇子俊姿函
奇疑氣稟粹清莊重表于羣許聰哲成於髫髻審游雷之象重膺廟
稷之休考朱芾之章嘉合君王之慶屬近司之來詔宜吉日以啟封
庶言則同朕命維允是用昨以南夏將於東藩以裁半楚之疆以修
陪京之鎮載黼斯衣視上公之儀有鸞其旂嚴外闈之望肆加功疏
特峻文階越陪邑戶之多兼異國租之實並蕃異數良協慈懷於戲
昔利建侯以燕翼子周倚宗師之盛作之翰垣漢立公王之隆興于
袞袞率茲成憲匪我私恩其服龍光之榮以介壽域之福懋進乃德
往惟欽哉可

皇子俊特授開府儀同三司加恩餘如故制熙寧七年十二月三日
門下思齊之美文王增百男而紀盛華封之祝堯帝願多子以為祥
蓋榮茂於天文寔尊崇於國體屬當明祀之畢宜被慶恩之行皇子

體仁保運功臣彰信軍節度曹州管内觀察處置等使特進檢校太尉使持節曹州諸軍事行曹州刺史兼御史大夫上柱國永國公食邑三千戶食實封一千戶俊瑋等儲英珠源毓粹夙賦中和之性早彰岐嶷之姿侍膳問安已無虧於孝謹聞詩學禮期有稟於義方是用陪益乎爰田之封褒授乎命數之寵庸席庭渙示均神禧於殿上賴祖宗之休既幻加於爵祿往親師傅之訓宜日進於行能欽哉惟時服我新命可

皇子儼拜官

朕承宗廟之重荷穹昊之休實生嗣賢來侈昌緒眷惟封爵厥有典彝爰告治朝式敷詔號皇子儼擬天材之秀膺帝武之祥氣毓黃鍾之和體含金玉之粹意初能識已彰載路之聲德漸有成且稱斯皇之帝將及勝衣之始本推受社之恩颺言僉同刻奏來工是用灼龜

撰吉備物肆儀言觀其旂賜中軍之徒御大啟爾宇各北國之山川
參視上公兼陪真賦峻崇階而躡品冠嘉號以表功寵數惟新慈忠
滋慰於戲周英茲斯之衆載歌多子之章漢用與地之圖中請建侯
之策肆茲成命允謂大公其承明訓之猷以綏曼壽之祉可特授檢
校太尉使持節陳州諸軍事行陳州刺史兼御史大夫鎮安軍節度
陳州管内觀察處置等使上柱國景國公食邑三千戶食實封二千
戶賜宣仁翊運功臣

皇子備特授特進檢校太尉充天平軍節度使均國公加食
邑實封仍賜功臣制熙寧十年十二月丁亥

門下御家者親親蓋人倫之大本治國者首首亦天下之達尊乃眷
嗣賢其議褒命剛辰載撻漢號用頌皇子備膺祿祠之祥啓夢羸之
兆憲憲鍾德克稟天生之材岐岐秉知式敬帝敏之武幼儀始肆聰

哲肅成師錫既同邁猶既告是宜出火府之節按輿地之圖建茲東
藩昨爾西土大佩赤舄參備公卷之華淑旂綏章增首將牙之重命
功有號序品有階惟多邑是昇惟真賦是予併疏異渥用協榮懷於
戲周錫王支本實顯於百世漢封帝子始蓋踰于十城綏于寵光介
汝遐福可

皇子价特授特進檢校太尉充武勝軍節度使建國公食邑
食實封仍賜功臣制

門下朕循燕翼之謀保紹休之緒載萬斯慶增衍本支之蕃思強厥
宗肇開藩屏之再誕以敷旦告諸治朝皇子价性岐嶷以天成質卓
訐而日就厥聲載路膺上帝之嘉祥有帝斯皇協大人之吉卜顧未
覩於寵典茲屢論於僉言乃授全師乃徹成國玉符班瑞折上將之
驛旄金路啟封備三公之繡袞躡崇階而辨等冠美號以詔功並時

邑賦之多加昇并封之實繁推命數備極情文於戲父子主恩雖本人倫之至朝廷尚爵亦歸天下之公惟叙有承俾服無斁可

皇子儻特授依前檢校太尉持節鄆州諸軍事鄆州刺史均國公充天平軍節度鄆州管内觀內處置河隄等使加食邑
實封勳如故制

門下朕面稽天若顧畏民鼎茲荷降康敢忘誌祀是以瓊幣金鼓前牲樂盛駿奔走於百工丕靈承於上帝率將多士之膺敏具殫德產之精微神其宴娛福用蕃衍方均惠術周逮海邦惟予嗣賢宜與典冊皇子具官某沁源慶善值性惇明弗煩詔教之勤自格中和之懿珣戈蕩節峻秩禮於元戎金路介圭啟疆圻於大國既告成於熙事俾進律於外庭加賦爰田陪租真食於戲寵非朕出蓋本神明之休命豈爾私是光文武之緒永迪嘉德益綏遠猷

皇子均國公某進封延安郡王制元豐五年八月壬子

朕荷宗廟之休宅乾坤之奉大開邦宇分王宗親用建四維之安是
基萬世之福若時慶典屬我嗣賢式揆剛辰誕宇群聰皇子天平軍
節度鄆州管内觀察處置河隄等使檢校太尉持節鄆州諸軍事鄆
州刺史上柱國均國公食邑四千戶實封一千一百戶備發祥帝武
姬秀仙源岐嶷天姿風稟神靈之異聰明日就詐煽師傅之勤自登
拜於將壇顧浸更於歲蓄雖茂成人之德尚稽受社之榮爰諭僉言
丕揚新命繡裳朱鳥視儀物於上公燾上苴茅啟藩封於西國兼陪
真賦併示異恩於戲若古有猷修身在永維恭儉可以保位維忠孝
可以事君勉悉乃心往祗朕訓可特授依前檢校太尉開府儀同三
司使持節延安州諸軍事延安州刺史充彰武軍節度延安州管内觀察處
置等使進封延安郡王加食邑一千戶食實封六百戶勳如故主者

施行

宋朝大詔令集卷第二十七

宋朝大詔令集卷第二十八

親王三

進拜三

皇第九子必拜官制 元豐六年閏六月壬辰

樂海者莫如親先王未之或改多男而授之職天下不以為私朕荷
列聖之休席昊穹之祐宜生哲嗣來侈皇圖其頌寵章以詔群辟皇
第九子必憑暉宸極毓秀天枝岐嶷得於自然溫文見於異稟燕禡
錫羨肇開弓韜之祥朱若載光嘉合室家之慶將及勝衣之拜未膺
列壤之封舊章甚明衆議未諗按圖輿地惟清漢為上游疏將景風
惟盛夏為吉日是用苴茅制社授鉞殿邦遂荒半楚之疆參視上公
之秩併推異數躡進崇階陪以爰田畀之真賦於戲子孫並建誠三
代之遠謀強祿受封亦兩京之故事勉承猷訓永介壽祺可特授檢

校太尉持節襄州諸軍事襄州刺史充山南東道節度襄州管內觀察處置橋道等使上柱國儀國公食邑三千戶食實封一千戶

皇第十子信鎮寧節度寧國公制元豐六年十月甲戌

立愛者始於親商人賴之永世制國而傳於子漢廷特以爲安朕承五聖之謀擁萬方之重荷天右序誕錫多男之祥若古典庸建寧侯之壤肆朕丕號乎告外廷皇第十子某性稟溫文體面岐嶷生民克祚蚤膺履武之休朱芾斯皇嘉合宜君之慶屬近臣之抗議卜陽月以啟封會義制名相方辨域天被爾祿始微連城之疆我圖爾居莫如便鎮之樂跨河而守惟澶爲雄界以金鉞之威寵以袞衣之飾用疆屏翰增庇本文申衍爰田魚陪真賦於戲周詩之言干祿率由舊章召誥之戒初生自貽哲命往承猷訓永介壽祺可特授太尉持節澶州諸軍事澶州刺史充鎮寧軍節度澶州管內觀察處置等使

上柱國寧國公食邑三千戶食實封一千戶

皇子儲加恩制

門下朕以宗奉天經肅祇郊祀緝熙先王之典式刑烈祖之謀嘉牲射而一純昭園鍾變而萬靈接眷言哲嗣宜昇寵章某疏慶皇枝憑暉霄極維突及繡早備上公之儀錫山與田奄受大邦之冊甫及勝衣之拜已知學禮之方屬參訂於上儀用申嚴於愆祀盼敷大澤將期遠邇之均錫予善人豈有親疎之間陪敷多升肆行真封於戲因古經而接於神維禮之重受帝祀而施于子蓋國之光往服茂恩益膺遐福

皇子某加恩制

門下朕勅天之命拜既于都吉口成儀以接萬靈之典端闡乎號以均四海之休眷言嗣賢宜渙恩典某性繇異稟器本夙成早膺弓鞬

之祥獨秀珩璜之德向榮藩輔進預褒封鸞旗瑠戈壯中軍之徒御
桓圭袞冕楛上公之威儀屬修元祀之文欽用豐年之報方偏旌於
列辟宜均饗於繁禧中衍及田兼陪真戶於戲修精微而備玉帛曷
盡報功之誠蒙寵靈而貽子孫是為長世之策往承既施以介壽康

皇子秘如恩制

門下朕稽古以緝禮文因郊而定天位乃駕齋輅祈庶蒸民之生乃
熙紫壇欽接三才之典勝敷大澤偏暨四方興言嗣賢宜膺寵典某
資稟純粹性合溫文早毓慶於皇支亟承華於朱芾班之金鉞夾隆
屏翰之安被以褒衣進陟台衡之首適升種於太一且真璧於清壇
敷錫靈璫肆均惠術宜褒優於天屬俾敦厚於人倫增衍井腴申陪
國賦於戲稱秩元祀本周室之舊章崇逮懿親亦漢庭之故事往祇
異數用介多祥

皇弟顯加恩制元豐郊

門下朕以一陽之復躬三歲之祠登園丘而揖太清神其宴饗沛眷
德而麗萬世人以歡欣方熙事之告成敢繁禧之專饗肆頒丕號寵
獎近親某躬孝友之資端高明之學折衝禦侮擁兩鎮之齋旄作翰
皇家英全秦之美國屬奉承於密祀實顯相於上儀既肅雖以陪八
室之祠又嘉采以亞中壇之獻仲加主賦肆衍腴田於戲褒功德而
關盛衰無疆惟恤以脈膳而親兄弟不顯其威往服徽章益茂成烈

皇弟顯加恩制元豐郊

門下朕祗適舊章摩修吉禮以物無上帝之稱故祀之貴誠以聖惟
烈祖之尊故推以陟配蓋昭明宣畏則精意達慈祥悌順則多祐臻
方褒庶位之勞敢後茂親之獎某德履莊重才猷俊明河間推道德
之言傳於至理東平躬孝友之質成於自然夾隆磐石之安奄受真

王之策速茲祀事相我上懷齊潔乎陽靈之宮陟降乎禮神之圓載
圖嘉緒增錫寵名中陪邑賦之封兼衍國租之實以華邦體以睦民
風於戲逆三神之釐已極肇禋之義施大澤之博莫如同氣之賢往
承天休益輔予治

皇第十一子俱拜官制元豐七年八月己丑

樂外侮者莫如親先王賴以安治受帝祗而施於子大雅因以詠歌
朕循累聖之燕謀席昊穹之眷命誕生哲嗣未侈皇圖颺茲寵章詔
爾群辟皇第十一子俱乘暉口極毓粹源溫文得於自然臆哲成
於有識閔宮實實豐膺降福之休未希皇皇嘉合爲君之慶屬近臣
之抗議擇良日以䟽封朕命不私師論惟穆是用胙之西土將于中
山以臨護塞之衝以應連城之制惟袞及饋有華上公之儀秉鉞與
旄有偉元戎之任策動蹠等衍邑實租於戲周以百子之彊史氏書

其過麻漢用五宗之盛議臣諭之銷金永惟大公無愧前烈往承優
渥益介壽康可特授檢校太尉持節定州諸軍事定州刺史充定武
軍節度定州管內觀察處置等使上柱國成國公食邑三千戶食實
封一千戶

皇第十二子拜官制元豐七年十二月庚午

荷天右序故能傳類以蕃孽饗國久長必賴建親而藩屏永惟駿命
誕集眇躬繼玉嗣賢來侈昌緒其孚渙號以詔大廷皇第十二子似
岐嶷得於自然溫文成於異稟燕謀錫美重膺震風之祥熊夢應占
嘉谷寢興之吉方制名而命義宜授社以啟封昨以南邦將于便鎮
以徹滯淮之壤以裁羊楚之疆自胄未綏壯中軍之徒御華衣赤舄
備上公之威儀視秩策勲陪田寶賦疏榮襁褓衍慶本支於戲燕及
皇天惟朕所以昌其後自貽厥命惟爾所慎在其初注承寵光永綏

壽淑可特授檢校太尉持節亳州諸軍事亳州刺史充集慶軍節度
亳州管内觀察處置河隄等使上柱國和國公食邑三千戶食實封
一千戶

皇叔顓移其軍節度進封加恩制元豐八年哲宗嗣位

門下狀獲以耿躬奉承大統繼文之業思負荷之艱難見光於美帳
哀憫之用極眷言叔父時謂宗英實疇藩楨之勞詎布褒嘉之冊具
官某器宇莊重才猷靖深閱義理之多聞蘊高明之善學祇事英祖
早隆孝愛之深同氣光朝尤見急難之誼奄受真王之策協成磐石
之安屬纂紹於宗祧首褒揚於尊屬苴茅於社裂南國之名區易節
於庭殿兩邦之重鎮龍以懋功之典進以隆道之官中衍爰田兼陪
真賦於成孝文之欽楚國賴以藩宣肅宗之禮憲王極於恩意往承
新令燕介多祥

皇叔顯移某軍節度進封加恩制

元豐八年

門下朕獲承大統肇臨庶邦繼體承祧罔極昊天之慕叙親孚命敢忘季文之尊稽用典章增隆封鎮載消殺且布告治廷某誠達而量夷知明而材邵多閱天下之理博通君子之方承志意於西朝博友悌於先帝麟應於世如文王信厚之時鳳集于庭符開元羽翼之頌屬紹承於洪緒首張進於近支是用易以齋旄殿西藩之便鎮錫茲茅社裂三楚之名區陞華論道之官中衍爰田之賦於戲用封康叔惟民其勅懋和漢重東平諸王莫與為比注膺茂渥益介繁禧

皇弟似開府進封加恩制元豐八年

門下朕誕膺歷服肇覽政機保文祖受命之民益思綏靖念皇考永世之孝罔極哀恫迺眷天倫發祥帝武其炳顯冊以告治廷某毓秀皇枝憑暉霄極夙稟章訂之質生知孝友之方朱芾皇皇嘉合宜君

之慶閭宮實寶豐承降福之休向錫命於瑞朝已拜嘉於我里屬予
緒紹敢後褒崇越升將利之班優侈本支之勢疏榮王社衍食并腴
於戲昔熙祖流聰慧之稱建臨淮之國元仲表岐嶷之譽啟平原之
封往迪今猷益介眉壽

皇弟侯加恩制元豐八年

門下朕欽膺遺訓肇臨庶邦聖伏神祖恨昊天之用極任重守大念
宵旰之無疆乃眷同生最為均慶宜享正號以詔群倫某氣稟清明
性包聰哲早秀珩璜之德實膺弓韜之祥向預褒封進朕藩輔被之
華衮極上宰之威儀陟以齋壇壯元戎之徒御屬予縉序維時尚親
是用越升將相之班增重本支之勢兼陪多井併錫徽章於戲百荷
艱難永念蒼揚於帝訓寵靈徧暨莫如悖叔於天倫性承之休益介
而壽

皇弟必加恩制元豐八年

門下朕荷天之休繼國之序思憑几之訓則不敢忘負荷之艱念維城之安則不敢稽悖叙之典矧予同氣尤所注懷具乎渙恩以先列位某承神明之烈稟純粹之資岐嶷發祥嘉合燕謀之禱寢興協吉宜符熊夢之占向繇天性之慈已摠戎車之寄屬予縉紹中命襲崇是用因清漢之鉞旆錫大寧之茅土增重本支之勢兼華輔相之班中界井腴兼陪國賦於戲休矣皇考以保明其身豈無他人不如我同父往膺寵渥益介壽域

皇弟信加恩制元豐八年

門下朕奉憑几之言受膺圖之託乃謀庶政以承宗祀之休乃率舊章以寵天倫之愛盼敷顯冊播告路朝某資稟粹清識兼岐嶷承暉皇極早開朱芾之祥錫美增成寢侈綠車之慶向予邦號王擁將才

屬予緒紹之初思正褒崇之典感興魯衛昨啟郇滕錫以苴茅茲重
本支之勢昇之瑞節兼華將相之班申衍并腴陪教圭賦於戲剪桐
睦族遂裂河汾之疆賜帶懷督誕啟東平之祚往承休渥益介壽臧

皇叔顥進太傅移兩鎮制

元豐八年十二月辛未神宗祔廟

門下朕祗適燕謀紹承大統因山功畢悼弓劔之永藏祔廟禮成瞻衣
冠而如在惟先帝同生之愛有宗藩送往之勤錫以徽章詔爾列辟
皇叔成德橫海等軍節度管內觀察處置等使守太保開府儀同三
司真定尹持節滄州諸軍事滄州刺史上柱國揚王食邑一萬一千
一百戶食實封三千七百戶賜贊拜不名顥姿度粹穆材猷清明履
孝濟忠實為社稷之鎮正為樂道不失禮義之中擁兩鎮之節旄殿
全吳之茅社協口口口口口口口口口口口口口口口口口口口口口口
從之口口見口口難之情是用寵以官常陞之帝傳建高牙於雍口口

口口於岐山折衝無形注意甚遠於戲周封康叔不忘口口於斯
民漢倚東平丕顯勤勞於王室往膺異數蓋口口休可守太傅依前
開府儀同三司京兆鳳翔尹楊王賜替拜不名充永興鳳翔等軍節
度管內觀察處置等使勳官食邑實封如故

皇叔顯進太傅移兩鎮制

門下朕惟國大憂紹天明命黃陵玉庭永綏復土之深清廟朱絃序
陟寧神之禮哀悃罔極感慕從中念宗藩尊屬之賢有文考同生之
愛圖功甚茂送往良勤敷告大廷肆頒替冊皇叔武昌武安等軍節
度鄂州潭州管內觀察處置等使守太保開府儀同三司持節都督
鄂州潭州諸軍事鄂州潭州刺史上柱國荆王食邑一萬六千戶食
實封二千七百戶賜替拜不名顯身端行治識遠而量宏地則茂親
時惟明德翼戴王室雅有二南之風表儀宗枝獨已兩獻之學協策

廟社乃心朝廷朕承祧嘒勞錫命屬緝祿陵之禮遠獲靈駕之行
事有感懷義當褒異是用進以官班之等寵乎帝傅之崇出節徐邦
建麾青社以應采寂來朝之賜以慰崇棟孔懷之情於戲詩美大宗
是為四國之翰禮尊叔父固口一人之嘉往服寵光益膺福祉可守
太傅依前開府儀同三司徐州大都督持節青州諸軍事青州刺史
荆王賜贊拜不名充武寧鎮海等軍節度徐州青州管内觀察處置
等使勳食邑實封如故

皇叔顯守太傅如恩制 元祐元年四月

門下古者崇建屏翰所以折難於諸侯褒表親賢所以永隆於皇室
故史有錫金之喻誓載帶河之言迺眷賢王方遶外第允嘉沖尚中
錫茂恩敷告治廷肆頌躅策皇叔永興鳳翔等軍節度管内觀察處
置等使守太傅開府儀同三司京兆鳳翔尹上柱國揚王食邑一萬

一千一百戶食實封三千七百戶賜替拜不名顯道醇而至識遠而
通被服六藝之文翼戴兩宮之治昔在先帝寵冠內朝屢斬築邸之
安懇避側門之口口惟冲眇方賴保綏思承長樂之顏深念源陵之
愛口瑜甚至所守益堅是用錫字武之隆名增建庶之異數口口多
并加衍真封於戲列第環宮愧不及開元之盛專口作牧庶以紹成
周之寧往承寵榮益疆藩輔可特授守太尉依前開府儀同三司雍
州牧兼鳳翔牧揚王賜替拜不名充永興鳳翔等軍節度管内觀察
處置等使加食邑七百戶食實封三百戶勳如故

皇叔荆王顯遷官制

門下古者受命之君繫天而王雖禮有指益而事有節文未嘗不褒
顯近親疏錫巨屏以扞外侮以圖大寧矧予膺王選於外第申頒贊
策敷口群倫皇叔武寧鎮海等軍節度徐州青州管内觀察處置等

使守太傅開府儀同三司徐州大都督持節青州諸軍事青州刺史
上柱國荆王食邑一萬六百戶食實封二千七百戶賜贊拜不名顯
當德閎深秉心淵懿保乂王室如旦奭之輔于周倡帥宗蕃若閻平
之翼于漢孝至承於長樂反愛篤於光朝向避環宮之居屢申築邸
之請沖尚甚確至言莫回寵如掌武之名增後維城之業建麾鎮野
出節荆郊益以爰田陪之真賦於戲親之欲責茲為天下之同心高
而不危永蹈前人之全美往承寵數茂介多祥可特授守大尉依前
開府儀同三司真定尹兼江陵尹荆王賜贊拜不名充成德荆南等
軍節度管内觀察處置等使加食邑七百戶食實封三百戶勲如故
仍並令所司擇日備禮冊命施行

皇弟德拜官制元祐元年八月壬辰

朕奉承燕謀復紹大統永懷先烈曷勝哀疚之情眷顧同生宜厚褒

封之典乎我明命揚于治廷皇弟混岐疑得於自然温文見於異稟
挾天材之美皆應武帝之嘉祥未臨射矢之辰遽起號弓之暮踰年
於此錫壤惟時矧周人尚親尤重本支之輔漢廷左戚亦隆襁褓之
封規裁半楚之疆載徹渭河之域苴茅口社授鉞殿邦用進上公尹
茲北國策勳加等衍邑晉租於戲西望裕陵敢忘幼子之愛東朝長
信進預諸孫之游注服思輝益延壽社可特授檢校太尉持節滑州
諸軍事滑州刺史充武成軍節度滑州管内觀察盧置河陔等使上
柱國祁國公食邑二千戶食實封一千戶

宋朝大詔令集卷第二十九

親王四

進拜四

皇叔願加恩制元祐元年明堂

門下王者採儒術以馭神緣人情而制禮謂遠而尊者祖故郊以配
昊天通而愛者親故祀以侑上帝朕憲章往古緝熙曠文孝奏而至
誠通靈游而美祥下肆頒龍典褒進近親某德度粹醇才猷明雋楚
藩李父閱義理之多東平賢王全忠孝之美執德以陪朕賢承意以
事東朝屬卜靈辰崇嚴大事首發三錢之賜益均五王之封建此休
辰敢忘加錫載疏圭賦申衍并腴於戲接神因古聖之經特拜豐年
之既歸脈交諸侯之福無先尊屬之賢往承閔休永保終譽

皇叔願加恩制元祐元年明堂

門下五禮之別首於祀萬物之生本乎天朕祇遵燕謀初紹大統延
眷總章之地未修嚴祀之文載馳齋車拜上神之景眈出沛瑞闕洒
四海之湛恩中須寵章榮進宗戚某身端而行治履順而體和陪輔
先朝有鞶緝棣華之愛表儀公姓協振振麟趾之風執德以翼朕躬
制節以循侯度屬消言旦祇舉宗祈方寵獎於皇支首渥優於尊屬
允圖嘉蹟增錫寵名載徹之田嘉樂厥福於戲詠我將之什式符周
室之文歌大澤之詩期底漢庭之盛尚咨典輔協致丕平

皇弟某如恩制元祐元年明堂

門下君子之於親主夫篤敬而已矣仁人之於弟莫如友愛之厚然朕
祇帥詒謀獲承洪緒奉祠陽館昭吞三神之釐還御端闈大敷四海
之澤眷言介弟敢後寵章某毓慶紫庭憑暉璇極聰哲成於異稟岐
嶷得乎自然錫壤制名浸被先朝之過勝衣進拜早承長樂之顏昨

朕繼圖叙親錫命已侈殿邦之奇用安盤石之宗屬卜枚霜之辰消
嚴世室之享有華邦典衍并封茲示沈恩併為異數於戲漢優帝
子寵以茅土之封唐厚天倫比乎羽翼之輔往承寵渥益介壽康

皇弟保加恩制元祐元年明堂

門下朕祗通舊章聲稱吉禮奉壘真館所以威格於高靈真王合宮
所以儀刑於前烈咨訪儒術包舉藝文眷言介弟之賢宜被寵章之
拜某承華霄極托秀天洲莊重見於夙成聰哲由於自得黼袞赤舄
早膺成國之封鸞旂凋戈參東元戎之寄屬福祿之來下惟慶賜以
遂行憲漢庭左戚之文廣周室尚親之澤中須多邑用強本宗於戲
駢駢角弓推以刺怨振振麟趾風以詠歌往服徽章益延茂祉

皇弟僖加恩制

元祐元年明堂

門下朕惟國多艱紹帝明命祈年拜况所以格三神之歡推父比天

將以教諸侯之孝特下吾庭之命進褒同氣之賢其氣面清明性也
岐嶷閔宮錫羨岳長信諸孫之游朱芾承榮有先朝少子之愛向闕
夾輔已預疏封錫之上宰之章寵以元戎之寄今緣裡祀復示褒嘉
侈魯侯之土田強周邦之屏翰於戲出則銜恤方深何怙之悲恻也
無戎宜厚孔懷之愛往承神既益介壽祺

皇弟必加恩制元祐元年明堂

門下朕祇通燕謀初紹天統爰小肅霜之旦躬修陟配之祠度九尺
之筵欽拜上神之既迨三牲之食肆揚文考之功乃眷同生宜班褒
典其出神明之宵承帝祉之光既寢既興宜有占夢之吉克岐克嶷
車有成人之風向臨定其號名已差量於功次屬緝聲種之典兼隆
睦族之恩衍以爰田陪之真賦以昭異數以協慈懷於戲漢策三王
固以勝衣而錫位唐褒十節下持出閣而啟封往承神釐益遐壽祀

皇弟似加恩制元祐元年明堂

門下朕憲章往古緝熙曠儀燕及皇天傲玉帶上圖之制率見昭考
隆永徵專配之文申錫命書褒優同產其性函朕哲氣亶中和錫美
璿源鬯荷乾坤之施啟封珠襪承日月之光屬履秋霜之辰大修
世室之享誕敷慶澤福獎近親宜適舊章進荒多邑以強屏翰以侈
龍光於戲合禮文以事鬼神敢言能饗歸脈膺而親兄弟於曰大公
往承閑休益茂爾祿

皇叔揚王顥改封徐王制元祐三年八月己卯

周公玉以致邦乃親于叔漢裂疆而䟽爵其大者王矧予帝族之尊
維爾宗藩之長進褒大國敷告廣朝皇叔永興鳳翔等軍節度管内
觀察處置等使守太尉開府儀同三司雍州牧兼鳳翔牧上柱國揚
王顥地維茂親屬為諸父風宏瞻畧望非趙郡之光恩重禮尊世恭

東平之比賢人之德親久天下之義閱多內疆輔於本根身兼履於將相間于兩社位在三分優蕭侯而勿名蓋魯地以示廣江湖吳越亦既保於南疆海岱淮徐其克義於東土蓋名隆者封愈大而能至者教彌加於戲明帝始終有如沛獻之法度成王左右無若周公之勤勞庶幾於今不愧于古厥服朕命惟肩乃心可特授依前守太尉開府儀同三司雍州牧燕鳳翔牧賜替拜不名充永興鳳翔等軍節度管内觀察處置等使改封徐王勲食邑實封如故仍令所司擇日備禮冊命

皇弟佖加恩制 元祐四年明堂

門下朕惟成王尚幼而紹文武任姒之業時其諸弟之貴則有邦晉德韓之封皆充保邦以輔王室今予仲叔之眾咸訓祖考之謀方宗祀于天人以陟配于上帝禮成弗越孝思無窮爰因降福之多以均

同氣之盛皇弟鎮寧軍節度澶州管内觀察處置等使檢校太尉開
府儀同三司持節諸軍事澶州刺史上柱國遂寧郡王食邑六千戶
食實封一千九百戶其省性之粹克孝于家興學之初弗煩于傳觀
其師禮之意既有成人之才受冊苴茅已賜盟於如礪備儀出閭終
有賴於維城朕方推神之休布澤于下豈茲貴介之弟而有或遺宜
增多戶之封并行真封之賜於戲富而知稼穡之事則富可保貴而
知君臣之節則貴可全受爵既全於四方惟已豈後於群辟祇朕明
訓其永有詞可特授依前檢校太尉開府儀同三司持節澶州諸軍
事澶州刺史遂寧郡王充鎮寧軍節度澶州管内觀察處置等使加
食邑一千戶食實封三百戶勅如故

皇弟似如恩制

門下朕明發而興有懷文武之烈孝愛之廣施及凡弟之親茲擇季

秋之良躬展綏循之祀升章烈考昭配昊天執幣以前愾然如在念
遺意之所屬頌同氣之當先皇弟集慶軍節度亳州管内觀察處置
河隄等使檢校太尉開府儀同三司持節亳州諸軍事亳州刺史上
柱國普寧郡王食邑五千戶食實封一千七百戶似幼有岐嶷之姿
長見肅雍之美克勤朝夕既已無違於家日親詩書知其有志於學
爵分茅土之貴任兼將相之榮身能處之不驕人亦期之可久宜益
舊封之廣仍加真食之多於戲顯宗之於東平下腰腹之詔明皇之
於隆慶歎羽翼之詩朕既無間於伯仲之間爾亦無忘於孝友之行
外以事國內以顯親可特授依前云云加食邑一千戶食實封三百
戶數如故

皇弟德加恩制

門下古者教成於家治定於國九族既睦萬邦咸和今予季弟之親

未遑就博之禮追先帝眷懷之深意推東朝鞠育之異恩錫命之隆可後於衆皇弟武成軍節度滑州管内觀察處置河陝等使檢校太尉持節滑州諸軍事滑州刺史上柱國祁國公食邑三千七百戶食實封一千二百戶偁生而博大長則惠和氣稟清明有室家君王之喜心懷恂達知師保教訓之方乃者擇季秋之良終宗祀之禮事天所以報本嚴父所以顯親罄海寓之人孰非付託之重念天倫之戚永懷頤屬之隆宜因慶賜之行并衍封食之錫於戲父兄皆萬乘之富豈其患貧爵祿既五等之尊貴於能降罔恃得之之易當念守之之艱滿而懼傾高則不墜可依前云云加食邑七百戶食實封二百戶勅如故

皇弟祁國公偁開府儀同三司制元祐八年六月己未

寶玉展親愛莫先於兄弟車服彰德命用錫於公侯朕稽古大猷監

先成憲推恩同氣乎孰在廷皇弟武成軍節度使檢校太尉祁國公
德稟慶仙源承華寶孝悌侍於天性聰哲見於風成均愛東朝方
勝衣而趨拜請肆外傳已敬業而樂群是用仍扶上公視儀三事以
重本支之勢俾燕將相之榮因古輔之節旄加爰田之井賦於戲親
之欲肯雖有國之舊章位不期驕乃先王之明訓爾其務學時敏作
德日休知稼穡之艱難永思克儉守富者於長久自牧以謙尚有令
聞對茲嘉命可特授檢校太尉開府儀同三司

除皇叔顥守太師改封冀王加恩制

門下周尊公旦倚為四輔之師漢重王蒼位處三公之上及我仁祖
加禮荆王頎惟沖人敢後叔父誕敷明訓播告治廷皇叔永興鳳翔
等軍節度管内觀察處置等使守太尉開府儀同三司雍州牧兼鳳
翔牧上柱國徐王食邑一萬四千五百戶食實封四千九百戶賜詔

書不名顯稟訓英皇同氣神考仁義根于天性孝友冠于人倫昔在先朝發膺異數迨宣后九年之政無愛于一毫之私迨惟崇慶之功罔極昊天之報方畢太宮之祔饗莫先尊屬之褒嘉是用登拜師垣仍聯使節徹彼徐土受茲冀方內獎皇家外綏侯服進陪多賦行食真封於戲並建親王實為社稷之衛益強藩屏用承祖考之休膺典冊之光介壽祺之祉式昭令德無愧前人可

皇弟必加恩制紹聖二年九月明堂

門下朕稽用上儀載稱嘉慶率見昭考靡勝休惕之懷親茲同生肆有痼康之福其乎大號以詔備官皇弟山南東道節度襄州管內觀察處蓋橋道等使檢校太尉開府儀同三司持節襄州諸軍事襄州刺史上柱國大寧郡王食邑八千戶食實封二千五百戶必席慶休明受娑膺敏親之欽首承疏大國之榮繁然有文已有成人之度既

自勤於學殖方有賴於宗強爰修盛祀之文式廣因親之愛時其采
邑衍此真封思非予私神亦爾祉於戲非矣勿用康叔所以屏周大
雅不群河間所以藩漢往欽時命尚遠乃猷可

皇弟侯加恩制同上

門下朕靈承大神陟配昭考相祀儀而歲事皆以和來推惠術以及
人必繇始近皇弟定安軍節度定州管内觀察處置等使檢校太尉
開府儀同三司持節定州諸軍事定州刺史上柱國咸寧郡王食邑
七千戶食實封二千三百戶侯稟柔嘉之令則席蕃衍之多祥幼聞
詩禮之言故能若性躬踐孝恭之行是謂因心雖未列外朝之班而
已疏王爵之貴若特熙典護祐皇天永念維城之宗式蕃歸朕之福
因其舊履陪厥新封受祉既多承休無斁於戲振振以厚麟趾所以
詠歌駉駉其翮角弓所以恩刺予既隆於博叙汝其勵於操修克盡

乃心永綏厥位可

皇弟似加息制同上

門下朕大饗季秋昭配神考肅恭盛禮踴潔孝思當屏息以周旋如躬聞於罄歎願惟同氣益感深思方沛茂恩必先諸弟式敷大號以告治廷皇弟集慶軍節度亳州管内觀察處置等使檢校太尉開府儀同三司持節亳州諸軍事亳州刺史上柱國普寧郡王食邑七千戶食實封二千三百戶似分派天潢育材帝武出神明之胄固岐嶷之風成蹈訓誨之規宜聰明之濬發蚤膺封爵方勵操修屬當熙事之成宜被寵章之渥載疏戶賦併衍真封於戲習以為常戒之在早仁人之於其弟固止尚思君子之於立身是惟秉禮益茂矜啟永底壽康可

皇弟佖加息制同上

門下朕祇事合宮肅見昭考仰視棟桷俯瞰豆籩愴然如存中以摧
咽推之同氣其如慕思方慶澤之流行宜獲嘉之首及皇弟信鎮寧
軍節度澶州管内觀察處置等使檢校太尉開府儀同三司持節澶
州諸軍事澶州刺史上柱國遂寧郡王食邑八千戶食實封二千五
百戶信受材博大毓德粹和秉道訓於先朝自成令器通師儒於未
邇方事通經蚤錫王封始開郡邸肅祇慶典載衍戶封用修恩榮匪
私近密於戲祀膳之錫考禮意於周邦磐石之宗本大封於漢室益
恭寵數永弼丕平可

皇弟悃加恩制同上

門下朕祇率臣工載稱宗祀百禮既至以見神明之交萬福攸同宜
先兄弟之愛疏榮有典出命于朝皇弟武成軍節度滑州管内觀察
處置等使檢校太尉開府儀同三司持節滑州諸軍事滑州刺史上

柱國祁國公食邑五千八百戶食實封一千九百戶德生而順祥迪是猷訓在宗載考蚤疏大國之封就學愈明日廣多聞之益既懋飭躬之志庶幾成德之風方因明禋與民大慶肆推優寵以協師言申衍木封載陪采邑用廣博宗之愛宜昭馭首之公於戲豈無他人莫如同氣之感無作匪德用永承家之休往服朕言尚鴻爾慶可

皇叔顥加恩制同上

門下朕祇循典禮莫重於親祠緒紹慶基益教於孝治爰用季秋之月肅臨布政之宮交舉上儀大頒慶賜惟予仲父秋後寵章消日之良歎廷以告皇叔永興鳳翔等軍節度管内觀察處置等使守太師開府儀同三司雍州牧兼鳳翔牧上柱國冀王食邑一萬五千二百戶食實封五千二百戶賜詔書不名顥粹和義肅博大方嚴蹈信履仁惟先王墳典之習制節謹度閱天下義理之多昔反悌於先朝每

推異數洎東德以陪朕愈恪彝儀蓋隆體貌之崇其安步趨之節教陪戶賦衍食真封於戲德壽尊三更茂強高之齒親賢莫二允膺進律之文順履考祥用休欽譽可

除皇叔冀王顥特授依前守太尉開府儀同三司充淮南荆南節度使進封楚王加食邑實封勳如故制胸墜八日

門下施有所隆惟竭情可以論報誠之既至非及物不足為儀朕祇適詒謀寅恭御麻荷崇慶之佑功孰大於九年奉徽音之容教式形於四海魏乎莫或若其德揚然何所諭其思眷予叔父之賢志切親闈之慕豈無異數可致此懷諏日考良吉廷敷命皇叔永興鳳翔等軍節度管内觀察處置等使守太師開府儀同三司雍州牧兼鳳翔收上柱國冀王食邑一萬九千五百戶食實封五千五百戶賜入朝不趨詔書不名顯宅心沖必行已孝恭久承訓於慈仁每親身於

法度以師垣一品之青兼雍州兩鎮之崇爵列真王賜推重禮而造次不聞於踰矩傍徨有見於纏哀奄及祥除肆加典冊宜易冀方之號特賜楚國之封申衍賦田增榮守牧於戲王風被化已高麟趾之時輿地相圖莫如鶉尾之分衣繡裳聊以藩其歸路車乘馬遠足昭其文惟河間大雅之心有東平為善之樂其安龍祿永介壽康可

皇弟佖兩鎮封瑞王制

紹聖三年三月辛亥

建賢立德內以悖兄弟之親班爵序朝外以正君臣之分推恩同氣申命大廷皇弟鎮寧軍節度澶州管内觀察處置等使檢校太尉開府儀同三司持節澶州諸軍事澶州刺史上柱國遂寧郡王食邑九千戶食實封二千八百戶佖席休顯之祥迪中和之性克已而不訕於貴礪行而不危於高朱蒂斯皇早兆室家之慶介圭入覲將嚴未著之趨永惟燕翼之貽謀是篤友恭之大義莫遠且爾有崇禁即之

開備言燕私尚通慈闈之問時其爵邑建爾國家事東共之大邦寵
之兩組裂南海之再壤胙以真王蓋有天下者恩之隆而為人長者
義之盡於戲毋作匪德毋用匪彝其尚肩於乃心以克綏於燕譽往
朕朕命永孚於休可特授依前檢校太尉開府儀同三司持節蘄州
潤州諸軍事蘇州潤州刺史充平江鎮江等軍節度蘇州潤州管內
觀察處置拱堰橋道等使進封端王加食邑七百戶食實封三百戶

皇弟必兩鎮封申王制

朕統承聖緒念立愛以惟親祇適先猷在因心而廣孝眷言同氣將
列外朝手昔庶工誕揚休命皇弟山南東道節度襄州管內觀察處
置橋道等使檢校太尉開府儀同三司持節襄州諸軍事襄州刺史
上柱國大寧郡王食邑九千戶食實封二千八百戶必為國懿感受
天美才德既茂於閒平地嘗親於魯衛在宗載考是當志學之年率

禮不愆早著成人之度序賢班爵齒遠奉朝開國建家義當出閭永
念燕謨之錫豈勝孝友之情胙茅社於大邦留邸第於中禁外以隆
彊幹之輔內以叙本支之恩燕兩鎮之節旄備三公之袞繡啟開元
之觀相輝棣鄂之華承長樂之顏未遠綵衣之戲於戲在昔周家之
盛有若申伯之賢詩雅所歌方冊具在用圖居於茲土無專美於前
人尚遠乃猷往綏厥位可持授依前檢校太尉開府儀同三司持節
陳州鄧州刺史充鎮安武勝等軍節度陳州鄧州管内觀察處置等
使進封中王加食邑七百戶食實封三百戶仍並令所司擇日備禮
冊命

宋朝大詔令集卷第二十九